

[Augsburg], 9. August 1568

An Theodor Zwinger

UB Basel, Fr. Gr. I 11, fol. 304r.

S. Scripsi nudiusquartus de rebus meis prolixè per Augustanum tabellarium, Clariss[ime] D. Zwingere: neque dubito, quin et propter Oporini nostri manes, et pro humanitate tua commodorum meorum sis rationem habiturus. Quod vt facias, etiam atque etiam oro. Nam si tu me destitueris: cogar magnis sumptibus iter molestum et laboriosum isthuc suscipere. Sed nugae meae fortasse tanti non sunt. Quanticunque autem sunt (!), non possum eas prorsus negligere, quae tantùm (!) non modo olei et operae, sed etiam pecuniae mihi absumpserunt. Ac nihil malo, quam eas Basileae excudi, sed emendatè, sed sine longiore mora, et cum aliquo fructu et dignitate mea. Evidem me nihil iniqui postulare arbitror. Sed si tibi aut alijs aequis aestimatoribus aliud videbitur: vel in tuo vel in illorum iudicijs acquiescam. Vale, et in meo negociolo talem te praebe, qualem me in tuo esse velles. 9 Augusti 1568.

Hiero[nymus] Wolfius  
Tuus.

Me cum Beckesteino egiisse, et ad Sambucum de sententia Oporini scripsisse: antea significaui.